

**КҮКРАК ЁШДАГИ БОЛАЛАРДА ЧАНОҚ-СОН БҮҒИМИ ДИСПЛАЗИЯСИ ВА ТУҒМА ЧИҚИШИНИ
ФУНКЦИОНАЛ ДАВОЛАШДА ОРТОПЕДИК РЕАБИЛИТАЦИЯНИНГ АФЗАЛЛИКЛАРИ**



Ахтамов Аъзам, Ахтамов Азим Аъзамович

Самарқанд давлат тиббиёт университети, Ўзбекистон Республикаси, Самарқанд ш.

**РЕАБИЛИТАЦИЯ ДЕТЕЙ ГРУДНОГО ВОЗРАСТА С ДИСПЛАЗИЕЙ И ВРОЖДЕННЫМ ВЫВИХОМ
БЕДРА НА ЭТАПАХ ФУНКЦИОНАЛЬНОГО ЛЕЧЕНИЯ**

Ахтамов Аъзам, Ахтамов Азим Аъзамович

Самаркандский государственный медицинский университет, Республика Узбекистан, г. Самарканд

**REHABILITATION OF INFANTS WITH DYSPLASIA AND CONGENITAL HIP DISLOCATION AT THE
STAGES OF FUNCTIONAL TREATMENT**

Akhtamov Azam, Akhtamov Azim Azamovich

Samarkand State Medical University, Republic of Uzbekistan, Samarkand

e-mail: info@sammu.uz

Резюме. Чаноқ-сон бўғими дисплазияси ва тугма чиқиши кўкрак ёшдаги болаларда қийин ташхисланадиган ва баъзан ногиронликка сабаб бўладиган касалликлардан бири ҳисобланади. Шунинг учун функционал даволаши даврида функционал шиналарни қўллаши билан бирга шифобаҳаш жисмоний машқлар, массаж, физиотерапевтик муолажаларнинг қўлланиши касалликни жадаллашувини бартараф этиб эрта ва кеч ривожланадиган асоратлар улушини камайтиради. Шу билан бирга статик ва динамик функциясини стимуллаб эрта мустақил юришига ижобий таъсир кўрсатади.

Калим сўзлар: дисплазия, соннинг тугма чиқиши, кўкрак ёшидаги болалар, реабилитация.

Abstract. Dysplasia and congenital dislocation of the hip is one of the most difficult to diagnose diseases in children at first, often leading to disability. Therefore, the method of rehabilitation at the stages of functional treatment includes: wearing functional splints, physical rehabilitation, massage, physiotherapy. This prevents the progression of the disease, the development of early and late complications, does not disrupt static-dynamic function, and does not delay verticalization.

Keywords: dysplasia, congenital hip deformity, infancy, children, rehabilitation.

Долзарблиги. Чаноқ-сон бўғими дисплазияси—кўкрак ёшдаги болаларда таянч-харакат аъзоларининг энг кўп кузатиладиган тугма касалликларидан бўлиб турли муаллифларнинг мъалумотларига кўра 4,45%дан 38% гача кузатилади [1,2,3,9]. Болаликда кузатилган мазкур касаллик оқибатида катта ёшда меҳнатга лаёқатининг бузилиб ногиронликка ва ҳаёт тарзининг ёмонлашувига сабаб бўлади [4,8].

Соннинг тугма чиқишини асоси дисплазия бўлиб у эмбрионал даврда чаноқ-сон бўғимининг элементлари—қўймич косачаси, соннинг юкори кисмининг мўътадил ривожланишини бузилиши билан характерланади. Натижада иккиламчи ўзгаришлар: қўймич косачасининг ривожланишдан орқада қолиши, сон бошчасининг ташқарига силжиши, сон бўйинчасининг антеторсияси, сукланиш жараёнларнинг секинлашуви ва бўғим атрофидаги мушак ҳамда бойламларнинг мутаносиблигини бузилиши кузатилади [5,6,7].

Бугунги кунда чаноқ-сон бўғими дисплазиясини узок муддатли иммобилизация ўрнига функционал

даволаш энг оммавийлашган усуллардан ҳисобланади. Даволаш жараёнида ортопедик тўғрилаш билан бирга бўғимларда қон айланишини яхшилаш ва мушакларни чиниқтириш максадида бўғимларда фаол шифобаҳаш машқлар қўлланилади. Даволаш жараёнида бўғимларда фаол харакат фаолиятини саклаб қолиш катта аҳамиятга эга эканлиги реабилитациянинг самарали усулларини танлаш зарурлигини таъкидлайди.

Мақсад. Кўкрак ёшдаги болаларда чаноқ сон бўғими дисплазияси ва тугма чиқишини функционал усулда даволашда реабилитацион муолажалар самарадорлигини ошириш ва натижаларини таҳлил килиш

Вазифалар. Ортопедик мослама ва шиналарни қўллаш билан бир вактда шифобаҳаш жисмоний машқлар ва физиотерапевтик муолажаларни дифференциаллашган ҳолда қўллаб кўкрак ёшдаги болаларда фаол харакат кўнкималарини ва мувозанатини шакллантириш.

Материал ва текшириш усуллари. Даволаш ва клиник кузатувлар Республика ихтисослаштирилган травматология ва ортопедия илмий-амалий тиббиёт маркази Самарқанд филиали маслаҳат поликлиникасида мурожаат қилиб даволанган 3 ойликдан 12 ойликкача бўлган 64 бемор болаларнинг даволаш натижалари асос қилиб олинди. Беморларнинг 21 нафари (32,8%) ўғил, 43 нафари (67,2%) киз болалар. 28 нафари (43,7%) -3-6 ойлик, 22 нафари (34,3%) - 6-9 ойлик, 14 нафари (22%) – 9-12 ойлик болалар.

Олинган маълумотлардан аниқландиди онасида кузатилган турли касалликлар – 32 болада (66,6%), ирсий мойиллик – 16 болада (33,3%), таянч – ҳаракат аъзоларининг бошқа йўлдош тугма касалликлари билан бирга – 14 болада (29%) кузатилиши ҳомиланинг мўътадил ривожланишига салбий таъсир кўрсатади. Шунингдек, 5 болада (10,4%) йирик ҳомила, 12 бола (25%) думбаси билан туғилганлиги кузатилган.

Биринчи кундан беморларга ортопедик шиналарнинг кўлланилишидан катъий назар қон айланишини яхшилаш, бўғимларнинг суюк-тоғай ва юмшоқ тўқималарида репаратив жараёнларни жадаллаштириш мақсадида қўшимча физиотерапевтиқ, шифобахш жисмоний машқлар ва дори-дармонлар билан даволаш усуллари тавсия этилади.

Шифобахш жисмоний машқларни касаллик аниқланган кундан бошлаб кўллаш мақсадга мувофиқ бўлади. Машғулотлар кунига бир неча бор гавдасини, сон ва думба соҳаларини юмшоқ силаб уқалаш тавсия этилади.

Елкаларини, думба соҳаси ва чаноқ-сон бўғимини ички кийимини ечмасдан ёнбош ҳолатда ётқизиб уқалаш лозим бўлади. Уқалашда чаноқ-сон бўғимида алоқадор рефлексоген зоналарни: кураклар оралигини, бел-думғаза ва думба соҳалари танлаб силаб уқаланади. Оёкларни уқалашда bemor тўшакда елкаси билан ётқизилиб сон, болдир ва оёқ панжа мушаклари енгил босилиб чиниқтирувчи уқаланади. Уқалашдан сўнг оёқ ўқи бўйлаб енгил тортиб бўғимларнинг пружинасимон ҳаракатини ва оёкларни ёзилиш ҳолатини хис қилиш учун маҳсус машқлар бажарилади. Агар бўғимда контрактура кузатилиб мушаклар тортилганда бўғимнинг механик таъсирланишига жавобан оёқни куч ва қаршилик билан букиб контрактура даражасини хис қилиб баҳолаш мумкин бўлади. Муолажалар давомийлиги ҳафтасига уч марта 30–40 минутдан бажарилади. Бола ёши ва касалликнинг клиник намоён бўлиш ҳарактерига кўра бир курс даволаш жараёнида 10–15 муолажа кўлланилади. Чуқур уқалаш муолажалари билан бирга согайиб кетгунча жисмоний машқлар комплекси кўлланилади.

Бир ўшгача бўлган болаларда шифобахш жисмоний машқлар чаноқ-сон бўғими дисплазияси кузатилган болаларда куйидаги тартибда бажариш тавсия этилади:

1. «Тортиш». Бола елкаси билан ётқизилиб қўлидан 20-30 секунд давомида юқорига тортиб туриш.

2. Бола елкаси билан ётган ҳолатда оёкларини тизза бўғимидан қорнига томон букиб 10-15 секунд давомида ушлаб туриш.

3. Елкаси билан ётқизилган ҳолатда эҳтиётлик билан бола бошини олдинга кўкраги томон эгиш. Бола мабодо қаршилик кўрсатса машқни бажаришни тўхтатиш зарур бўлади.

4. Шу ётган ҳолатида ўнг оёғини тиззадан букиб, чап қўлини тирсақдан букилган ҳолатда 10-12 секунд давомида ушлаб бошқа кўл ва оёғини навбат билан букиб ёзиб машқ қилиш.

5. Бола елкаси билан ётқизилган бошланғич ҳолатда ўнг оёғини тиззадан букиб қорнига томон босиб, иккинчи оёғини тўшакда ёзилган ҳолатда 10-12 секунд ушлаб туриб сўнг машқни алмасиб бажарилади. Машқни охисталик билан кўпол ҳаракат килмасдан бажариш зарур.

6. Болани тўшакда ёнбош ҳолатда ётқизиб иккала тиззалиридан букиб бир-бирига яқинлаштириб ҳомила ҳолатида (10-15 сек.) ушлаш.

7. Бола тўшакда елкаси билан ётқизилади. Икки болдиридан ушлаб тизза ва сон бўғимларидан 90° бурчак остида букиб имконият борича сондан ташқарига томон кериб сўнг яна ўрта ҳолатга келтириб 1-2 минут давомида шундай машқ бажариш.

8. Бола тўшакда елкаси билан ётқизилади. Боланинг иккала оёғини тиззадан букиб оёқ кафтини тўшакда қўйиш. Чаноқни силжитмасдан ўнг тиззани чап оёқ панжаси томон бола қаршилик кўрсатгунча пастга тушириш. Бунда болдири ташқарига, тизза ичкари томон буралиб 10-20 секунд ушлаб турилади.

9. «Бақа ҳолати». Бола тўшакда елкаси билан ётқизилади. Оёғини чаноқ-сон ва тизза бўғимларидан букиб оёқ кафтлари ўрта чизикда жуфт қилиб ушлаб тиззалиридан ташқари томон керамиз ва 10-20 секунд ушлаб турмиз.

10. Бола тўшакда елкаси билан ётқизилади. Бола оёқларини чаноқ-сон ва тизза бўғимларидан тўғри ёзилган ҳолатда ушлаб (болага қарама-қарши турган ҳолатда) охисталик билан ўзимизга томон тортмиз.

11. Бола тўшакда оёқлари тўлиқ ёзилган ҳолатда қорни билан ётқизилади. Ўнг оёғини тиззадан букиб оёқ панжасини думбасига босиб 10-20 секунд ушлаб турмиз. Сўнг чап оёғини шундай ҳолатда такрор бажармиз. Машқлар кўпол ҳаракат килинмасдан охисталик билан (1-2 мин.) бажарилади. Мазкур машқларни барча ўшдаги болаларда қўллаш мумкин [5].

Бўғимларнинг ҳаракат фаолиятини тиклаш дастурига асосан суюк-тоғай, нерв-мушак бойламлар тизими анатомофункционал бузилишларнинг хусусияти хисобга олинниб реабилитация муолажалари ҳар бир bemorга индивидуал тавсия этилади. Парафин-озокерит аралашмаси 20-30 минутдан 3 ойликдан бошлаб 10-12 сеансдан кўлланилиб ҳар 3 ойдан сўнг такрор тавсия этилиши мумкин. Мазкур муолажа нерв тизимининг симпатик ва парасимпатик қисмларининг ўзаро мутаносиб таъсирини ҳамда моддалар алмашинувини яхшилади. Шунингдек қон томирларни кенгайтирувчи, антиспастик, трофик, оғриксизлантирувчи, сўрўвчи ва ялликланишга қарши самарали таъсир кўрсатади.

Физиотерапевтиқ муолажалардан ультрабинафша нурлар кичик дозада №10 сеансдан,

электрофорез трентал билан (+) №10 сеанс бел-думғаза соҳасига, 2%ли аскорбин кислота, рух сульфатнинг 2% ли эритмаси билан электрофорез (3 ой танаффус билан) такрор кўлланилади. Уч ой муддат ўтгандан сўнг №20 сеанс уқалаш, №10-12 сеанс ($38-40^{\circ}$ да) парафин ёки озокерит, хвой-тузли ванналар ($30-37^{\circ}$ да 7-10 минут) кунора 12-15 сеанс, электрофорез Ca (+)-P (-) - вит C (-) билан, Ca (+)-C (-) - вит C (-) уч ўлчамли электрод билан №10 сеанс, электрофорез трентал билан №10 сеанс кўлланилади. Соn бошчасининг суякланиш жараёни кечикканда қон айланишини жадаллаштирувчи никотин кислота (-)+, новокаин (+) билан, кавентон (+) ва гепарин (-)+ новокаин (+) билан №10 сеанс электрофорез кўлланилади.

Дистрофик жараёнларни бартараф этишда витаминлар кўллаш мухим аҳамиятга эга. Тиамин хлорид таблеткаларда 0,002 г.дан суткасига 3 марта бир ой давомида тавсия этилади. Уч ойлик танаффус билан 2-3 курс тавсия этилади. Аскорбин кислота овқатдан сўнг 0,1 г.дан суткасига бир марта поливитамин қабул килмаган кунлар 1 ой муддатга тавсия этилади. Ўз навбатида поливитамин цианокобаламин қабул килган кунларда қабул қилиш тавсия этилади. Шу билан бирга алоэ 1 г дан суткасига 1 марта 1 ой давомида кунора тавсия этилади.

Даволаш гимнастик машқлар тўлақонли кўлланилганда чаноқ-сон бўғимида ортопедик шина ёки гипсли боғлам кўлланилган даврда ривожланган иммобилизацион контрактурани бартараф этиш мумкин. Массаж ва даволаш гимнастик машқлари методист томонидан бажарилиб кўникмалар онаси уқтирилади онаси узлуксиз давом эттириб туради. Муолажалар кўллашда рентген тасвир маълумотларига асосланиб ностабилликни бартараф этиш чоралари кўрилади. Агар соҳа valga кузатилса – сонни яқинлаштирувчи мушакларнинг, ортиқча антиверзия кузатилганда – ички ротаторлар ҳамда сонни узоклаштирувчи мушаклар тонусини яхшилашга алоҳида эътибор берилади.

Тавсиялар. Катталар болаларнинг мустакил машқ бажаришларига юмшоқлик ва эҳтиётлик билан сийтамасдан авайлаб бирга бажаришлари, айниқса бошини олдинга эгиш машқини бажаришда жуда эҳтиёткорлик зарур бўлади.

Болани озиқлантиргандан машқларни бажариш тавсия этилмайди. (кўкрак сути билан енгил озиқлантирилганда 30 минутдан сўнг, бола тўйиб тушлик қилганда 1,5-2 соатдан сўнг жисмоний машқларни бажаришга рухсат берилади).

Даволаш натижалари. Даволаш натижалари ортопедик даволаш даври тугагандан сўнг 2,5-3 йилдан сўнг таҳлил қилинди. Кузатувга олинган 64 бемордан 54 беморнинг даволаш натижаларини таҳлил қилишга эришилди. Даволаш натижаларини баҳолашда бола тўғрисида онаси томонидан шикояти, боланинг мустакил юриш мўътадиллиги, бўғимларда фаол ва пассив ҳаракат хажми, Тренделенбург аломати хисобга олинди. Рентгенологик кўрсаткичлардан кўйич пештоқ бурчаги, Шарп бурчаги, сон-бўйин бурчаги, торсия бурчаги, Виберг бурчаги хисобга олинди. Шу билан бирга сон бошчасининг шакли ва структурасининг бузилиши, кўйич пештоқ шаклланиши ва бўғим мутаносиблиги хисобга олинди.

Даволангандан сўнг ўртача уч йил муддат ўтгандан сўнг 5 bemорда (9,2%) аъло натижалар кузатилди. Аъло натижалар асосан 3 ойлигидан мурожаат қилиб функционал шинада даволангандан bemорларда кузатилди. Яхши натижалар 41 bemорда (76%) кузатилди. Аъло ва яхши натижалар касаллик 6-9 ойлигидан аниқланиб муаллифлар томонидан амалиётга таклиф этилган ортопедик функционал шинада даволангандан bemорларда кузатилди. Коникарли натижалар 8 bemорда (14,8%) кузатилди. Мазкур bemорларнинг 5 нафари функционал лейкопластри тортмада ўртача 24 кун ётқизилган бўлсада сон бошчалари кўйич косачасига эркин тўғриланмаганлиги учун кўл билан тўғриланниб гипсли боғлам Лоренц-1 усулида кўйилган. Қолган 3 нафар bemор аввалига яшаш жойида тўрт ойлик бўлгунча ЦИТО шинасида, сўнг Шептун-Тер-Егиазаров усулида гипсли боғлам кўлланилган ҳамда барча bemорлар физиотерапевтик муолажаларни факат бир курс қабул қилганлар, холос. Коникарсиз натижалар кузатилмаган.

Шундай қилиб бир ёшгача бўлган болаларда чаноқ-сон бўғими дисплазияси ва туғма чиқишини функционал усулда даволаш маълум дастур асосида реабилитация муолажалари режали равишда самарали кўлланилганда чаноқ-сон бўғимининг суякли компонентларининг ривожланиши жадаллашади, даволаш муддати қисқариб ногиронлик улушини камайтиришга эришиш мумкин.

Хуросалар: Ҳомиладорликкача ва ҳомиладорлик даврида ўтказилган касаллик омиллари чаноқ-сон бўғимининг мўътадил шаклланиб ривожланишига салбий таъсир кўрсатади.

Реабилитация муолажаларининг болаларнинг ёши ва касаллик даражасига кўра дифференциаллашган тарзда танлаб физиотерапевтик муолажалар билан уйғунликда кўлланилганда чаноқ-сон бўғимининг мўътадил ривожланишини жадаллаштириб самарали таъсир кўрсатади.

Чаноқ-сон бўғими дисплазияси ва туғма чиқиши кузатилган кўкрак ёшдаги болаларда реабилитация муолажаларининг бутун даволаш жараёнида узлуксиз кўлланилиши функционал даволаш тактикасини оптималлаштириб боланинг мустакил оёққа туриб ҳар томонлама жисмоний ривожланишини жадаллаштириб мустакил ҳаракат кўникмаларини ўз вактида шаклланиш имкониятини яратади.

Адабиётлар:

1. Аксенова А.М., Аксенова И.Н., Поворознюк Т.А. Реабилитация детей с дисплазией тазобедренных суставов // Проктический опыт. №1: (61), 2009, с.22-29.
2. Ахтамов А.А., Ахтамов А. Кичик ёшдаги болаларда соннинг туғма чиқишини консерватив усулда даволашда реабилитация муолажаларини кўлланилиши ва натижалари // Ўзбекистон врачлар ассоциацияси бюллетени, №1 (94), 2019, 68-72 с.
3. Бондарева С.Н. Физическая реабилитация детей раннего возраста с врожденным вывихом бедра // Научно практический журнал «Учёные записки», №9: (31) – 2007, с. 15–18.
4. Волошин С.Ю., Белоусова Е.А. Особенности реабилитации детей грудного возраста врожденным вывихом бедра на этапах консервативного лечения //

- Ортопедия, травматология и восстановительная хирургия детского возраста. Том 3, Выпуск 2, 2015, с. 66-70.
5. Дубровина Л.И., Дерябина Г.И., Лернер В.Л. Структура и содержание физической реабилитации детей грудного возраста при дисплазии тазобедренного сустава // Медицина и физическая культура: наука и практика. 2019, том 1, с. 88-96.
 6. Казанская Е.В., Потапчук А.А. Комплексная физическая реабилитация недоношенных детей первого года жизни с функциональной незрелостью тазобедренных суставов // Вестник Санкт-Петербургского университета, Сер. 11, 2009, Вып. 3, с. 116-121.
 7. Кубаев А. С. Оптимизация диагностики и лечения верхней микрогнатии с учетом морфофункциональных изменений средней зоны лица //Научные исследования. – 2020. – №. 3 (34). – С. 33-36.
 8. Мицкевич В.А. Ортопедия первых шагов. Москва – 2013, 359 с.
 9. Ризаев Ж. А. и др. Значение коморбидных состояний в развитии хронической сердечной недостаточности у больных пожилого и старческого возраста //Достижения науки и образования. – 2022. – №. 1 (81). – С. 75-79.
 10. Ризаев Ж. А., Нарзиева Д. Б., Фуркатов Ш. Ф. Регионарная лимфотропная терапия при фурункулах и карбункулах челюстно-лицевой области // Том-1. – 2022. – С. 386.
 11. Ризаев Ж. А., Хакимова С. З., Заболотских Н. В. Результаты лечения больных с хроническим болевым синдромом при дорсопатии брюцеллезного генеза // Uzbek journal of case reports. – 2022. – Т. 2. – №. 3. – С. 18-25.
 12. Ризаев Ж. А., Назарова Н. Ш., Кубаев А. С. Особенности течения заболеваний полости рта у работников производства стеклопластиковых конструкций //Вестник науки и образования. – 2020. – №. 21-1 (99). – С. 79-82.
 13. Ризаев Ж. А., Абдуллаев А. С., Кубаев А. С. Перспективы лечения невритов в комплексе с этилметилгидроксиридином сукцинат и комбилипен // Современная медицина: новые подходы и актуальные исследования. – 2022. – С. 20-24.
 14. Ризаев Ж. А., Рузимуротова Ю. Ш., Тураева С. Т. Влияние социально-гигиенических факторов труда и быта на здоровье медицинских сестер //Scientific progress. – 2022. – Т. 3. – №. 1. – С. 922-926.
 15. Ризаев Ж. А., Мусаев У. Ю. Влияние условий внешней среды на степень пораженности населения стоматологическими заболеваниями //Врач-аспирант. – 2009. – Т. 10. – №. 37. – С. 885-889.
 16. Ризаев Ж. А. и др. Психоэмоциональное поведение подростков в различных стоматологических процедурах // Science and Education. – 2023. – Т. 4. – №. 2. – С. 375-383.
 17. Ризаев Ж. А. и др. Оценка функциональных изменений, формирующихся в зубочелюстной системе боксеров //Вісник проблем біології і медицини. – 2019. – №. 4 (1). – С. 270-274.
 18. Blaise A. Nemeth M.D., MS, Vinay Narotam M.D. Developmental Dysplasia of the Hip // Downloaded from [http:// pedsinreview. apppublications.org](http://pedsinreview. apppublications.org), April 27,2021. P. 553–560.
 19. Dornacher D., Cakir B., Reichel H., Nelitz M. Early radiological outcome of ultrasound monitoring in infants with developmental dysplasia of the hips. || J.Pediatr Orthop. B. 2010; 19 (1): 27-31. Doi: 10.1097/ pb. 0b013e328330335e.

РЕАБИЛИТАЦИЯ ДЕТЕЙ ГРУДНОГО ВОЗРАСТА С ДИСПЛАЗИЕЙ И ВРОЖДЕННЫМ ВЫВИХОМ БЕДРА НА ЭТАПАХ ФУНКЦИОНАЛЬНОГО ЛЕЧЕНИЯ

Ахтамов А., Ахтамов А.А.

Резюме. Дисплазия и врожденный вывих бедра является одним из трудно диагностируемых в первое время заболеваний у детей, нередко приводящих к инвалидизации. Поэтому методика реабилитации на этапах функционального лечения включает в себя: ношение функциональных шин, физической реабилитации, массаж, физиотерапию. Это предотвращает прогрессирование заболевания, развитие ранних и поздних осложнений, не нарушает статико-динамической функции, не задерживает вертикализацию.

Ключевые слова: дисплазия, врожденный вывих бедра, грудной возраст, дети, реабилитация.